



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Utusan Malaysia
Date	27/3/2014



Dr. Mahathir sedih nasib MH370 berakhir di lautan

UM - 27/3/2014

KUALA LUMPUR 26 Mac - Bekas Perdana Menteri, Tun Dr. Mahathir Mohamad (**gambar**) sedih dengan nasib pesawat MH370 yang berakhir di selatan Lautan Hindi seperti di umum Perdana Menteri, Datuk Seri Najib Tun Razak kelmarin.

Beliau berkata, tragedi itu sedikit sebanyak memberi kesan kepada negara.

“Kita sedih dengan kejadian ini. Ia sedikit sebanyak memberi kesan kepada negara,” katanya ketika ditemui pemberita selepas melancarkan Seminar Perdana

Polis Diraja Malaysia (PDRM) sempena Hari Polis ke-207 di sini hari ini.

Dr. Mahathir berkata, tragedi yang menimpa pesawat itu menyebabkan lebih banyak pihak mengeluarkan bermacam-macam pendapat terutama yang tidak baik ten-

tang negara.

Najib sebelum ini mengumumkan penerbangan MH370 yang membawa 227 penumpang dan 12 anak kapal berakhir di selatan Lautan Hindi berdasarkan analisis Kawangan Penyiasatan Kemalangan Udara UK dan Inmarsat,

syarikat yang menyediakan data satelit berkenaan.

Penerbangan MH370 hilang ketika dalam perjalanan dari Kuala Lumpur ke Beijing kira-kira sejam setelah berlepas dari Lapangan Terbang Antarabangsa Kuala Lumpur pada 8 Mac.